

ԱՐԺԵՔԻ ԱՇԽԱՏԱՆՔԱՅԻՆ ՏԵՍՈՒԹՅԱՆ ԼՈՒՍԱՐԱՆՈՒՄԸ
ՌԵԹԵՈՍ ՊԵՐՊԵՐՅԱՆԻ ԱՇԽԱՏՈՒԹՅՈՒՆՆԵՐՈՒՄ

ՆԵՐՍԵՍ ԹՈՎՄԱՅՅԱՆ

XIX դ. վերջերին արևմտահայ իրականության մեջ քաղաքատնտեսության հարցերի քննության ընդարձակ ծրագրով այլոց թվում (Նիկողայոս Զորայան, Կարապետ Յուսուպյան և ուրիշներ) հանդես է եկել նաև հայտնի տնտեսագետ Ռեթեոս Պերպերյանը¹։

Ն. Զորայանի հետևությունները Ռ. Պերպերյանը նույնպես քաղաքատնտեսության բովանդակությունը համարում է հարստության արտադրության, բաշխման և սպառման օրենքների ուսումնասիրությունը։ Փոխանակության փուլը երկուսն էլ վերարտադրության պրոցեսից դուրս են թողել այն պատճառով, որ առևտուրը նրանք համարում են արտադրության ճյուղ։ Հարստության ըմբռնումը, սակայն, Պերպերյանի մոտ այնքան ընդհանուր է, որ ընդգրկում է մարդկանց նյութական ու հոգևոր բոլոր կարգի պահանջմունքները բավարարելու անհրաժեշտ բարիքները։ «Կսխալին նոքա, որք հարստությունն միայն նյութական իրաց մեջ կկացուցանեն,— գրում է նա և ավելացնում,—... հարստություն է ամեն ինչ, որ կարե գոհացնել մի պետք՝ կանվանի օգտակարություն... Ամեն օգտակարություն, որ սեփականելի է, հարստություն է»²։

Հարստության հետ սերտորեն առնչվում է արժեք հասկացությունը, որի բովանդակությունը նա ճշգրտում է նախքան արտադրության խնդիրների լուսաբանումը։ Արժեքի կարևորությունը շատ է մեծ, այն տնտեսական շենքի անկյունաքարն է³։ Քաղաքատնտեսության մեջ արժեքի շատ սահմանումներ կան, նշում է նա և հանգում այն ուշագրավ հետևության, թե՛ «եբբ լավ ուղ դրվի, կտեսնվի, որ արժեքը երկու անհատից մեջ հարաբերություն մը է»⁴, որի բովանդակությունն է «բնութենեն մատակարարված օգտակարությունն, պատճառած ճիգն (ծախսված աշխատանքը—Ն. Թ.) և խնդրողին պետքն»⁵։ Այս բնութագրության մեջ արժեքի առաջին երկու գործոններն արտահայտում են սպառարժեքը և արժեք կատեգորիաները, իսկ երրորդը՝ առաջարկի ու պահանջարկի հարաբերակցությունն է, որը գնի մակարդակը որոշող գործոն է, բայց ոչ արժեքի։

Քաղաքատնտեսության նախագիտելիքների նրա բնութագրումներում տեղ գտած թերությունները, սակայն, արտադրության բուն պրոցեսի վերլուծություններում անհետանում են, և տնտեսական կատեգորիաները հանդես են գալիս իրենց նյութական բովանդակությամբ։ Ռ. Պերպերյանը արտադրությունը դիտում է որպես բնության բարիքները վերափոխելու համար ծախսված մարդկային աշխատանքի պրոցես։ «Վարդո նգանց և բնության գործողության այլ և այլ գործիճեբու գործողության հետ միավորությունն կկազմե առաքությունն կամ ճարտարությունն»⁶։ Ըստ հեղինակի, արտադրության պրոցեսում է, որ բնության իրերը օգտակարություն և արժեք են ձեռք բերում, իսկ «ամեն ճարտարության հիմն է աշխատությունն»⁶։ Արտադրության տարրերի

¹ Ռ. Պ Ե Ր Կ Ե Ր Կ Ա Ն, Համառոտ քաղաքական տնտեսություն, Կ. Պոլիս, 1883, ն ու լ յ ն ի՝ Դրամ, Կ. Պոլիս, 1886։

² Ռ. Պ Ե Ր Կ Ե Ր Կ Ա Ն, Համառոտ քաղաքական տնտեսություն, էջ 2։

³ Նույն տեղում։

⁴ Նույն տեղում, էջ 3։

⁵ Նույն տեղում, էջ 5։

⁶ Նույն տեղում, էջ 6։

բնութագրության ընթացքում Պերպերյանը դարձյալ ընդգծում է արտադրության անձնական տարրի՝ աշխատուժի հույժ կարևորությունը. «դրամագլուխն, բաղդատության մեջ աշխատության (հեղինակը աշխատության տակ նկատի ունի աշխատուժը — Ն. Թ.), երկրորդական է, զի ինքն իսկ արդյունք է աշխատության, մի արտադրություն է մարդկային՝ դարձած ի գործի արտադրության: Աշխատությունն է, որ կարգասավորե բնական գործիչներն, նախնական նյութերն և օգտակարություն, ի հարստություն կփոխակերպե, և որ կշահավորե և կարտադրե իսկ դրամագլուխը»⁷:

Արտադրության կազմակերպման խնդիրների քննարկման ընթացքում Ռ. Պերպերյանին հատկապես հետաքրքրում է աշխատանքի և կապիտալի արդյունավետ օգտագործումը, որի հիմնական նպաստավոր պայմանը նա համարում է տնտեսական գործունեության ազատությունը: Այստեղ նա նկատի ունի արտադրության միջոցների մասնավոր սեփականության վրա հիմնված կապիտալիստական արտադրությունը, որը զարգանում է անձի ու գույքի ապահովության և ազատ տնտեսական ձեռներեցության ծախսման պայմաններում, նա մերժում է ամեն կարգի պետական միջամտություն, ժխտում նախկին համբարական կազմակերպությունների գործունեությունը, որոնք արգելակում էին ազատ մրցակցությունը: Արտադրողական ուժերի զարգացումը, քաղաքակրթության առաջընթացը և ազատ տնտեսական գործունեության ծավալումը հեղինակը բնութագրում է որպես երկմիասնական պրոցես. «Աշխատության ազատության զուգընթաց քայլած է արհեստից զարգացումն և ընդհանրապես քաղաքակրթության առաջացումն»⁸: Որպես այս դրույթի փայլուն ապացույց, նա վկայակոչում է Անգլիայի օրինակը, որը մեծ չափերով հարստանում է հենց ազատ առևտրի շնորհիվ: Ինչուր կարգի մենաշնորհներն ու արտոնությունները խախտում են տնտեսության զարգացման բնականոն ընթացքը և դառնում աղքատության պատճառ, «զի կշնջեն մրցումն, և մրցումն ջնջելով կարգելուն, որ իրաց գներն յուրյանց բնական մակերեսն գտնեն: Տնտեսական մրցումն է, որ առաջ բերած է մաքուրության բալու նյութական առաջադիմությունները»⁹:

Ռ. Պերպերյանը հանգամանորեն լուսաբանում է արտադրության օգտագործման երկու գործոնների՝ աշխատանքի բաժանման և մեքենական արտադրության զարգացման կարևորությունը, որ նա դիտում է փոխադարձ սերտ կապի մեջ: Սկզբում քննարկում է աշխատանքի բաժանման խնդիրները գործանոցի ներսում, երբ ապրանքի արտադրության ընթացքում «գործողությունը բաժնվին այլ և այլ գործողներու մեջ»¹⁰: Վկայակոչելով Ադամ Սմիթին, հեղինակը ընդգծում է, որ աշխատանքի բաժանումը բանվորին դարձնում է իր գործին հմուտ մասնագետ, մեծ չափերով վերացնում անարտադրողաբար ծախսված աշխատաժամանակը՝ այսինքն բարձրացնում աշխատանքի արտադրողականությունը: Մյուս կողմից, աշխատանքի բաժանումը պարզեցնելով աշխատանքի պրոցեսը «մեքենայից գյուտն կգյուրացնէ»¹¹, եվ ամենևին պատահական չէ, որ մեքենաների առաջին գյուտարարները եղել են բանվորները, որոնց անունները հիշատակված են գրքում: Պերպերյանին հայտնի է, որ աշխատանքի բաժանումն է ժամանցնում է աշխատուժը. «մի մարդ այլևս $\frac{1}{10}$ գնդասեղ միայն կաժե»¹², որ բանվորը դառնում է մասնագործ, որից ձեռնարկատերը դուրսվելով կարող է ազատվել, և որ շլատվում են բանվորի հոգևոր կարողությունները: Այս ամենը գիտենալով հանդերձ, նա փորձում է մերժել դրանց նշանակությունը մի քանի պարզունակ դատողություններով,

7 Նույն տեղում:

8 Նույն տեղում, էջ 9:

9 Նույն տեղում, էջ 27:

10 Նույն տեղում, էջ 10:

11 Նույն տեղում, էջ 11:

12 Նույն տեղում, էջ 13:

որոնք գիտական արժեք չունեն։ Աշխատանքի տեխնիկական բաժանման հետ միաժամանակ հեղինակը լուսաբանում է աշխատանքի հասարակական բաժանման բովանդակությունը և ճիշտ բնութագրում նրա դերն ու կարևորությունը հասարակական արտադրության զարգացման գործում։

Ռ. Պերպերյանը մեքենաները համարում է «հանդարտ, անխոնջ և սակավապետ գործավորներ», որոնք մի քանի տասնյակ անգամ բարձրացնում են աշխատանքի արտադրողականությունը և փոխարինում 200—300 բանվորի¹³։ Մեքենաներն ընդլայնում են արտադրությունը, բազմապատկում արտադրության ճյուղերը, էժանացնում արտադրանքը։ Մեքենական արտադրության առավելությունները գովաբանելիս նա այնքան է ոգևորվում, որ փորձում է ընթերցողին համոզել, թե մեքենական արտադրության զարգացման հետևանքով «բարեկեցություն կընդհանրանա», «ազատությամբ և հավասարությամբ իրացման կնպաստեն ճոշ ժ մեքենայք»¹⁴։ Պերպերյանը դայրույթով է արտահայտվում այն հեղինակների հասցեին, որոնք խոսում են մեքենաների կիրառման բացասական հետևանքների մասին, նշում գործազրկության աճը, աշխատավարձի իջեցումը, աշխատավորության թշվառությունների ավելացումը։ Մի շարք թվերի միջոցով նա փորձում է հիմնավորել ոչ միայն փոխհատուցման տիպահույսի տեսությունը, այլև ցույց տալ, որ մեքենական արտադրությունը, էժանացնելով կենսամիջոցների արժեքը, մեծապես նպաստում է բնակչության թվի ավելացմանն ու կենսամակարդակի բարձրացմանը։ Այստեղ, անշուշտ, խոսում է բուրժուազիայի գաղափարախոս Պերպերյանը, որին առանց խնայելու մերկացնում է հենց ինքը, երբ հանդես է գալիս որպես վերլուծող գիտնական։ Տնտեսական ճգնաժամների իր ճշմարտացի բնութագրումների ժամանակ «Համառոտ քաղաքական տնտեսություն» աշխատության մեջ հեղինակը գրում է, որ «բազմաթիվ գործավորք կմնան անգործ, աշխատության խնդրանքն կպակսի, թոշակներն կիյնան... Գործի և վաստակի պակասությունն առաջ կբերի սպառման նվազություն, անկումն վաճառականության, աղքատություն, չվառություն»¹⁵։ Ծգնաժամի աղետալի հետևանքների նկարագրության ընթացքում Պերպերյանն ընդունում է, որ ընդհանուր դժբախտությունների շրջալսում առմենն գեշն գործավորաց վիճակն է»¹⁶։ Այս ակնհայտ հակասության պատճառն այն է, որ հեղինակը, իրեն նախորդող ու հաջորդող բոլոր տնտեսագետների հետ միասին, չհասկացավ, որ վերոհիշյալ բոլոր աղետների բուն պատճառը հենց այդ նույն մեքենաների կապիտալիստական կիրառումն է։

Փողի մասին Պերպերյանի գիտելիքները նույնպես հիմնված են արժեքի աշխատանքային տեսության սկզբունքների վրա։ Փողի առաջացման պատմության համառոտակի լուսաբանման ընթացքում հեղինակը գրում է, որ փոխանակության զարգացման բարձր աստիճաններում «ընդհանուր կերպով ընդունված» միջնորդ ապրանք կամ դրամ են դառնում ոսկին ու արծաթը՝ իրենց մի շարք առավելությունների շնորհիվ։ Նախ, դրանք աներթին հատուկ արժեք մը ունեն, «փողը ծավալի մեջ մեծ արժեք են պարունակում», «առնապական» են և արժեքով «ոչ դյուրափոփոխ», «բաժանելի» են, որի մասնիկներն առանձին «յուրյանց համեմատական արժեքը» պահպանում են և «պաշտոնական դրոշմ» ընդունելու հատկություն ունեն¹⁷։ Փողի արժեքը որոշելու համար Պերպերյանն օգտագործում է ապրանքների արժեքի ընդհանուր սահմանումը. «Նորա արժեքն ալ, ինչպես այլ վաճառաց, կախում ունի մատուցման և խընդրանաց և արտադրության ծախուց պայմաններեն»¹⁸։ Հեղինակը մերժում է փողի անվանական տեսությունը այն հիմնավոր պատճառաբանությամբ, որ դրամը արտադրության պրոցեսի արդյունք է, ինքնին արժեք ունեցող ապ-

13 Նույն տեղում, էջ 15։

14 Նույն տեղում, էջ 15—16։

15 Նույն տեղում, էջ 47։

16 Նույն տեղում, էջ 50։

17 Ռ. Պերպերյան, Դրամ, էջ 23։

18 Նույն տեղում։

րանք է, հետևաբար «դրամոց արժեքն չկարի ինքնահաճ կերպով որոշվիլ իշխանության կողմանն»¹⁹, Դրամը իր ներքին արժեքն ունի, որ կարող է փոփոխվել «ինչպես այլ վաճառաց», այսինքն՝ ինչպես բոլոր ապրանքների արժեքն առհասարակ, բայց ոչ պետության կամայականությամբ:

Փողի ֆունկցիաների պարզաբանման կապակցությամբ Պերպերյանը գրում է, որ ոսկին ու արծաթը ընդունվում են որպես «ընդհանուր չափ արժևից», որով և «արժեքներն ալ կարեմք իրերաց հետ բաղդատեն»²⁰: Փողը իր արժեքափի ֆունկցիան կատարում է գնի միջոցով, որը «է իբի մ'արժեքին բացատրությունն ոսկվո կամ արծաթն արժեքով»²¹, Հեղինակին հայտնի է, որ ապրանքների, ինչպես նաև փողի արժեքները փոփոխվում են՝ կապված տեղի, ժամանակի, այլևայլ հանգամանքների հետ, երբ, ինչպես նա է ասում, փոխվում են ապրանքների արտադրության վրա ծախսված աշխատածամանակը, դրանց օգտակարության աստիճանը, հազվագյուտությունը և այլն: Այս առիթով հեղինակը քննադատում է Ադամ Սմիթին, որը «սխալված է զաշխատությունն դնելով միակ չափը և հիմն արժեքից. ստուգիվ աշխատությունն որպես տեսանք արժեքին տարրերին միմն է, բայց չենթադրեր պետքն, օգտակարությունն, հազվագյուտությունն, որք նույնին այլ տարրերքն են»²²:

Ռ. Պերպերյանը տարբերում է երկու տեսակ գին՝ ընթացիկ կամ հրապարակի, որը «կորոշվի հրապարակին պարագաներին և արտադրողին ու սպառողին փոխադարձ կացությունն, ծախողին և գնողին ազատ հաճությամբ», և սկզբնական կամ բնական գին՝ «այն, որ փած է իրն արտադրողին»²³: Պարզ է, որ առաջին դեպքում նա նկատի ունի շուկայական գինը, որը, նրա բնութագրության համաձայն, «էկավորվում է պատահական հանգամանքներով, իսկ երկրորդ դեպքում՝ արժեքը: Բանավիճելով Ռիկարդոյի հետ, ըստ որի, գինը որոշվում է արտադրության ծախքերով, Պերպերյանը դրանց ավելացնում է «մատուցումն ու խնդրանքը», այսինքն առաջարկն ու պահանջարկը: «Արտադրության ծախքերն իբրև կենդրոն մ՝ են ծանրության, ուր կհակի միշտ իրաց գինն, բայց միջման ազդեցությունն այս կամ այն կոչս այդ կեդրոնին կտարուբերե զայն»²⁴: Պերպերյանը որոշակիորեն գինը տարբերում է արժեքից: Գինը ապրանքի անվանական արժեքն է, որը կարող է փոփոխվել մի շարք հանգամանքների շնորհիվ՝ արժեքի անփոփոխության պայմաններում: Իսկ ապրանքների իսկական էժանությունն ու քանկությունն ի հայտ են գալիս դրանց ներքին արժեքի փոփոխության դեպքում: Հասարակության «առաջադիմությունն կբանաձևի գնո նվազությամբ», այսինքն՝ արտադրողական ուժերի զարգացման շնորհիվ ապրանքների «ներքին արժեքն» իջնում է, և գները նվազում են: Թեպետև արժեքը և գին բառերն իրարմն տարբեր բառեր են», բայց դրանց մեջ գոյություն ունի ներքին կապ: Գների իրական փոփոխությունը կապված է միայն արժեքի հետ, իսկ դրանց անվանական փոփոխությունները առաջ են գալիս արտաքին հանգամանքների հետևանքով, ուստի և հարստության փոփոխման արտահայտություն լինել չեն կարող: Արժեքով «կչափվի հարստությունը»²⁵, բայց ոչ ապրանքների գնային արտահայտություններով, ամփոփում է հեղինակը իր դատողությունները արժեքի ու գնի փոխհարաբերության մասին:

Փողի որպես շրջանառության և կուտակման միջոցի, ֆունկցիաները Պերպերյանի մոտ նույնպես լուսաբանված են արժեքի աշխատանքային տեսության սկզբունքներից ելնելով: Միլիոնավոր փոխանակողների միջև բազմա-

19 Ռ. Պերպերյան, Համառոտ քաղաքական տնտեսություն, էջ 34:

20 Նույն տեղում, էջ 28:

21 Նույն տեղում:

22 Նույն տեղում, էջ 29:

23 Նույն տեղում:

24 Նույն տեղում, էջ 30:

25 Նույն տեղում, էջ 31:

բնույթ գործառնությունները տեղի են ունենում համարժեքային փոխանակության հիման վրա, և նրանց մեջ այդ «խորհրդավոր» կապերը հյուսվում են «շահույց և պիտույից»²⁶ բավարարման պայմաններում: Փողի կուտակման ֆունկցիան հեղինակը համարում է որպես արտադրության զարգացման, հասարակության առաջընթացի ապահովման նյութական պատվանդանի ստեղծման հզոր լծակ: Փողի կուտակման ֆունկցիայի մասին Պերպերյանի մոտ հրատակ պատկերացում չկա: Ակնհայտ է, որ նա խոսում է փողի՝ կապիտալի փոխարկման մասին:

Պերպերյանը հարստության կուտակումը համարում է հասարակության բնականոն զարգացման կարևոր պայման: Հարստությունն իր բնածեղ կուտակման համար պիտանի չէ. ապրանքները «մեծ մասամբ վաղանցուկ դուրեկողծանքի առարկաներ են: Բայց հոն է դրամն աշխատության խնայյալ արդյունքն, զոհողությունն այդ ձևով տակ՝ զանմահություն կզգենու, մաս առ մաս կավելնա, կաճի, կբարդի»²⁷, Աշխատանքի արդյունքները փողի ձևով կուտակման ընթացքում դառնում են «մշտատև անկործան հարստություն, և այսպես ձեռք ձեռքի կուտան անցյալն ու ապագան... Դրամը կստեղծե դրամագլուխ, այսինքն մինն արտադրության եռյակ գործիներեն»²⁸, խոսքը կապիտալի կուտակման մասին է, որը դառնում է «խնայյալ դիզյալ հարստություն, որ կծառայե առաջդեմու մի այլ հարստություն»²⁹, Հեղինակի ընդգծած տողերը վկայում են, որ այդ դիզված հարստության միջոցով նոր հարստությունների ստեղծումը արտադրության մյուս տարրի՝ աշխատանքի շահագործման արդյունք է: Այս իրողությունն առավել պատկերավոր է արտահայտված կապիտալի հետևյալ բնութագրության մեջ. «աշխատության քիրտն է այն, որ օր առ օր, շիթ առ շիթ հոսելով կփոխվի, կպնդանա ի մշտատև անկործան հարստություն»³⁰, Կապիտալի այս ճշմարտացի բնութագրությունից կարող է այն տպավորությունը ստացվել, որ Պերպերյանը գիտակ է աշխատանքի ու կապիտալի շահերի հակասությանը, համոզված է, որ բանվորների ու կապիտալիստների շահերն անհաշտելի են: Ցավոք, այդ տպավորությունը խաբուսիկ է: Այն իրողությունը, որ կապիտալը «թշնամի է աշխատության», «մի անգույն բռնավոր է», Պերպերյանը որակում է որպես ամբաստանություն և դրամագլուխը համարում է «փրկիչ մը, բարեբար գորություն մը»³¹:

Հարստության բաշխումը, գրում է Պերպերյանը, կատարվում է ըստ արտադրության երեք հիմնական գործոնների, այն է՝ ըստ աշխատանքի, կապիտալի և հողի: Սահմանազատելով եկամուտների երեք ձևերը, նա փորձում է պարզել դրանցից յուրաքանչյուրի բովանդակությունը: Աշխատավարձը համարելով որպես աշխատանքի և ծառայությունների վարձատրություն ընդհանրապես, հեղինակը այդ կատեգորիայի մեջ դասում է՝ բանվորի աշխատանքի վարձատրությունը (թոշակ), ձեռնարկատիրոջ գործունեության վարձը (նույնպես թոշակ) և պետության ծառայության վարձը (հարկ): Դրամագլխի եկամուտը կոչվում է վարձագին, երբ այն գործում է արտադրության միջոցների ձևով, իսկ կապիտալի փողային ձևի եկամուտը կոչվում է տոկոս. հողի դիմաց ստացված եկամուտը կոչվում է ռենտա: Պերպերյանը առանձնացնում է նաև եկամուտի մի չբորքող տեսակ՝ շահ, որը ստացվում է, «երբ դրամատեր գործարանատերն յուր արտադրությունն ծախելով՝ նոցա արժեքով կվճարե ամեն արդյունարար ծառայություն, որ գործակցած էր լուրյան, մնացածն կկոչվի նորա շահեն»³²: Այս բնութագրման համաձայն շահույթը նոր ստեղծ-

26 Ռ. Պերպերյան, Դրամ, էջ 18:

27 Նույն տեղում, էջ 19:

28 Նույն տեղում:

29 Նույն տեղում, էջ 20:

30 Նույն տեղում, էջ 19:

31 Նույն տեղում, էջ 20:

32 Ռ. Պերպերյան, Համառոտ քաղաքական տնտեսություն, էջ 52:

ված արժեքի այն մասն է, որ մնում է ձեռնարկատիրոջը բոլոր տեսակի վճարումները կատարելուց հետո, այսինքն՝ հավելյալ արժեքը:

Պերպերյանը աշխատավարձը համարում է «աշխատության գինն...» և նշում, որ «պետք է զանազանել դրամական կամ երևութական թռչակ և իրական թռչակն»³³: Խոսքը վերաբերում է անվանական և իրական աշխատավարձին: Աշխատողին հետաքրքրում է իրական աշխատավարձը միայն, որով նա ձեռք է բերում իր «կենաց պիտոյքն», որովհետև «թողական բարձր է ոչ այն ատեն, երբ գումարն անվանաբար բարձր է, այլ երբ ավելի օգտակարություն կարև գնել»³⁴: Աշխատավարձի մակարդակը անմիջականորեն կապված է կենսամիջոցների գների հետ, որոնք վերջին հաշվով կարգավորվում են ապրանքների արժեքի փոփոխություններով: Ըստ նրա՝ «Իրեքն աժան առտադրելով կարեն միայն»³⁵ իրական աշխատավարձը բարձրանալ և ժողովրդի դրուժությունը բարելավվել: Նրան լավ հայտնի է, որ աշխատավարձի հիմքում ընկած է աշխատանքի «արժեքը», ուստի և «այլ և այլ գործոց և գործողաց համեմատ թռչակներն կզանազանին»³⁶: Նրա կարծիքով այս տարբերությունները պայմանավորված են աշխատողների ֆիզիկական և մտավոր կարողություններով, նրանց գիտական ու կրթական մակարդակով: Մյուս ապրանքների արժեքի նման, աշխատանքի «արժեքը» ևս կախված է նրա վերարտադրության համար պահանջվող ծախսերից, ինչպես նաև «մատուցման և խնդրանքի» հարաբերակցությունից: Այս կապակցությամբ Պերպերյանը վկայակոչում է աշխատավարձի մակարդակը պայմանավորող մի քանի հանգամանքների վերաբերյալ Ադամ Սմիթի ստույթները:

Աշխատավարձի տեսության շարադրանքում առավել ուշագրավ են աշխատանք-ապրանքի գնման և վաճառման վերաբերյալ Պերպերյանի դատողությունները: Բանվորը և ձեռնարկատերը արտաքուստ հանդես են գալիս որպես իրավահավասար ապրանքատերեր: Բայց նա նկատում է, որ այդ հավասարությունը ձևական է միայն, որովհետև բանվորը հավասարության իր իրավունքը պաշտպանելու նյութական ուժ չունի: Իսկ ձեռնարկատերերն, ընդհակառակը, հսկայական արտոնությունների տեր են և ամեն ինչ կարող են իրենց կամքը թելադրել բանվորին, որը ստիպված է ընդունել առաջարկված պայմանները, քանի որ «ինքն անմիջապես պետք ունի սնանելու և սնուցանելու իրեններն, չունելով այլ ինչ, քան զյուր աշխատություն»³⁷: Եվ ահա այստեղ է, որ արդարությունը բռնադատվում է, և տնտեսական հարկադրանքի ներգործությամբ հավասարությունը փոխվում է իր հակադրության՝ դառնում է վարձու ստրկություն³⁷:

Արադրություն մեջ այս անհավասարության արդյունքը լինում է այն, որ հասարակության մեջ հարստությունն ու աղքատությունը բևեռանում են, որը պատկերված է հեղինակի «Թշվառություն և գութ» բանախոսության մեջ: Հարուստների ցոփ ու շվաշտ-կյանքի մի պալատական խնջույքի նկարագրությունից հետո Պերպերյանը եզրակացնում է. «Թշվառություն էր այն լիության և երանության դրանն առջև սովամահ և ցրտասառույց—թշվառություն՝ հակակողմն միտալին, մարդկային ընկերության մի ուրիշ երեսն, գիշերն օրվան, ողբերգությունն կատակերգության քով, անդունդն մթին ծաղկազարդ գետնին տակ, դրախտին տակ դժոխքն»³⁸: Սակայն այս գողտրիկ բանախոսության մեջ այսպիսի վարպետություններ բացահայտված ժամանակակից կյանքի սոցիալական հակասության վերացման ուղին մեր բուրժուական բարոյախոսը համարում է շահագործողների գթասրտությունը, որի օգնությամբ և պետք է

33 Նույն տեղում, էջ 54:

34 Նույն տեղում:

35 Նույն տեղում, էջ 55:

36 Նույն տեղում:

37 Նույն տեղում, էջ 57—58:

38 Բ. Պերպերյան, Երկու բանախոսություն, Կ. Պոլիս, 1880, էջ 11:

այդ դրախտի ու դժոխքի հակադրություն ներկայացնող իրականությունը վերափոխվի ազատության, հավասարության և եղբայրության թագավորության³⁹,

Բայց հետագայում, «Քաղաքատնտեսության» ձեռնարկում, ավելի մոտիկից քննելով բանվորների և ձեռնարկատերերի տնտեսական հարաբերությունները, հեղինակը չի ժխտում ձեռնարկատերերի դեմ բանվորների պայքարի անհրաժեշտությունը։ Նրան հայտնի է նաև, որ բանվորները միայնակ անկարող են պաշտպանել իրենց իրավունքները։ Դրա համար նրանք պետք է համախմբվեն արհեստակցական միություններում, ստեղծեն փոխօգնության զբաղմունքներ, միջոցառումներ մշակեն, հարկ ելած դեպքում գործադուլներ կազմակերպելու, գործադուլավորներին օգնելու և այլևայլ միջոցներով աշխատավորների շահերը պաշտպանելու համար։ Այս բնագավառում լուրջ նվաճումներ ունեն անգլիական բանվորները, որոնց արհեստակցական միությունների շնորհիվ է, որ գործավորաց վիճակն լավագույն է այսօր Անգլիա, քան առաջ քան զհաստատություն սույն ընկերությանց⁴⁰։ Բնորոշ է, որ բանվորների ու ձեռնարկատերերի շահերի հակադրության բնութագրության ընթացքում հեղինակը բանվորների շահերն է պաշտպանում և դատապարտում է արհամիութենական կազմակերպությունների հակառակորդներին։ Այդ կազմակերպությունների հիմնական խնդիրն է վերացնել տնտեսական օրենքների ռաբոթար գործադրության արգելքները⁴¹ և ոչ թե պայքարել այդ օրենքների դեմ, ուստի և դրանց գործադրությունն արդար է ու օրինական։ Այսինքն, հեղինակը հանդես է գալիս կապիտալիստական կարգերի օրինականության պահպանման դիրքերից։ Նա այդ նույն ոգով էլ լուսաբանում է աշխատավարձի ձևերի կարևորությունը։ Աշխատանքի ու կապիտալի հարաբերությունների բարվոքումը նա համարում է աշխատավարձի ձևերի կատարելագործման կարևորագույն խնդիրը։ Պերպերյանը մերժում է աշխատավարձի ժամանակավարձային ձևը, այն համարելով վիրավորական բանվորի համար, երբ նա աշխատում է գործատիրոջ նվաստացուցիչ հսկողության տակ։ Այդ չհին գերության անձանցյալ ստրկական ձևին» նա հակադրում է աշխատավարձի նորագույն ձևվերը, որոնք զգալիստություն և դրամագույն հաշտեցնելու⁴² կարևոր լրժակներ են։ Դրանցից մեկը գործավարձային ձևն է կամ ինչպես նա է ասում, «սակով աշխատությունը», որը խթանում է անձնական շահագրգռվածությունը և շահավետ է երկուստեք։ գործավարձը 75%-ով բարձրացնում է աշխատանքի արտադրողականությունը և 50%-ով՝ աշխատավարձը։

Շահերի ներդաշնակության կատարելագործման հաջորդ եղանակը շահույթից բաժին ստանալու սխտեմն է, երբ, ինչպես Պերպերյանն է հավատացնում, «առանց թողակեն որևէ մաս մի վար դնելու տարեդիտուն գոյացած գուտ շահն, ամեն ծախք հանելով, երկու մասի կբաժնեն, մին դրամատիրոջ կլինի և մյուսն կբաժնվի այլ և այլ թողակավոր աշխատավորաց մեջ ըստ աստիճանի թողակաց»⁴³։ Հաճախ շահույթից կատարված այս մասհանումները մնում են «գանձուն մեջ», և այդ ուղիով բանվորները դառնում են դրամատերեր, որը և նրանց հնարավորություն է տալիս ստեղծել առևտրական և արտադրական կոոպերատիվ ձեռնարկություններ։ Այդ կարգի ընկերություններից Պերպերյանը հիշատակում է Ռոշտելլի 24 կոոպերատորների ընկերությունը, որի անդամների թիվը երեք տասնամյակի ընթացքում հասնում է 1200 մարդու։ Արտադրական կոոպերատիվ կազմակերպություններից Քաղումը հաստատվեցան վերջին քսան տարվոյն մեջ⁴⁴, որոնք, սակայն, քայքայվում

39 Նույն տեղում, էջ 29։

40 Ռ. Պ Ե Ր Ա Յ Ե Ր Յ Ա Ն, Համառոտ քաղաքական տնտեսություն, էջ 59։

41 Նույն տեղում, էջ 60։

42 Նույն տեղում, էջ 61։

43 Նույն տեղում։

44 Նույն տեղում։

են տնօրենների անշնորհքության հետևանքով: Այլ կերպ ասած, Պերպերյանը հանդես է գալիս որպես կոոպերատիվ սոցիալիզմի կողմնակից:

Բաշխման հարաբերությունների հետ անմիջականորեն առնչվում են ազգաբնակչության շարժման օրինաչափությունները, որոնց տնտեսական բովանդակությունը հանգամանորեն լուսաբանում է Պերպերյանը: Սկզբից ևեթ նա մերժում է Մալթուսի ուսմունքը այն հիմնավոր պատճառաբանությամբ, որ իրականում կենսամիջոցների արտադրության զարգացման տեմպերը գերազանցում են բնակչության աճին: Նա այս դրույթը հիմնավորում է ԱՄՆ-ի և հվորդական երկրների XIX դ. առաջին կեսի ժամանակաշրջանի վերաբերյալ համապատասխան վիճակագրական տվյալներով, որոնք հերքում են այն, «ինչ Մալթուսը օրենք կանխակհ»⁴⁵: Բացի այդ, Մալթուսի ազգաբնակչության տեսությունը սնանկ է նաև իր սոցիալական ու տրամաբանական բովանդակությամբ: Ժամանակակից քաղաքակրթ իրկներին բնորոշ է ժողովրդյան մեծագույն մասին» աղքատությունը, փորձագրկությունը և այլ ու այլ կարգի թշվառություններ. Մալթուսն արդյոք «իրավունք ունեցած է եզրակացնել թե միմիայն բազմամարդություն է պատճառ չարաց: Հոռի օրենքներ, անարդար վարչություն, անիրավ բաշխում, այլ և այլ արգելումներ աշխատության և շրջաբերության... այսպիսիք միթե մեծ բաժին չունին ժողովրդյան թշվառության մեջ»⁴⁶: Ասված է միանգամայն որոշակի. աշխատավորների թշվառության բուն պատճառը գոյություն ունեցող հասարակարգի հոռի բարքերն են, անարդար բաշխումը և այլ կարգի սոցիալական անարդարությունները: Այնուհետև, բընակչության արագ բաւագումը ինքնին Պերպերյանը համարում է ոչ թե չարիք, այլ բարիք. «բուն խնդրոյն վրայ խոսելով էպպես չարիք է բազմամարդություն. աշխատասեր, արհեստագետ խելացի ժողովուրդ մի կարող է երջանիկ ապրել, նույնիսկ երբ յուր երկրին ընդարձակությունն աննշան լինի»⁴⁷: Հեղինակի այս դատողությունները ելնում են արժեքի աշխատանքային տեսության սկզբունքներից: Աշխատանքն է հարստության աղբյուրը, որի ծավալը կախված է ազգի տրամադրության տակ եղած աշխատաֆոնդից: Անամ Սմիթի այս դրույթին են արձագանքում Պերպերյանի հետևյալ տողերը. «խիտ ժողովուրդ մի խթան է աշխատության. այդպիսի ժողովրդյան մեջ կենաց կոիվն ավելի կրակոտ է և հետևապես ավելի արգասավոր, ավելի հնարիչ»⁴⁸:

Մալթուսի ուսմունքի քննադատությունը, սակայն, սրանով դեռ չի սպառվում: Այդ տեսությունը ինքնին ենթադրում է, որ մարդկությունը հասել է արդեն բնության հնարավորությունների օգտագործման սահմանագծին, որ գիտությունն արդեն սպառել է իր զարգացման բոլոր կարողությունները: Իրականում, սակայն, բնության զանձերը գործնականորեն անսպառ են, իսկ գիտության ու տեխնիկայի ծաղկման հետևանքները՝ ծիածանագույն: Մալթուսականության դեմ ուղղված այս հիմնավոր պատճառաբանությունների հիման վրա հեղինակը տալիս է այդ հետադիմական տեսության հետևյալ ճշմարիտ բնութագրությունը. «Մալթուսի վարդապետությունն այսպես ահա մի հուսահատեցուցիչ վարդապետություն է, որով գկյանս իսկ կդնե կենաց չարիքներուն պարտական, և կառաջարկե ջնջել կյանքն, երջանկացնելու համար գկյանս»⁴⁹: Հեղինակի բնութագրության մեր կողմից ընդգծված տողերը հատկապես բազմանշանակ են այն տեսակետից, որ Մալթուսը փաստորեն առաջարկում է աշխատավորներին «կյանքը ջնջել»՝ հանուն ունեւորների կյանքի բարգավաճման:

Այսպիսով, Ռ. Պերպերյանն իր վերլուծություններում, ճշտորեն տալով կապիտալիստական հարաբերությունների պատկերը, այնուամենայնիվ դուրս չեկավ բուրժուական տնտեսագիտության շրջանակներից և հանդես եկավ որպես բանվորական շարժման աջ թեի ներկայացուցիչ:

45 Նույն տեղում, էջ 77:

46 Նույն տեղում, էջ 79—80:

47 Նույն տեղում, էջ 80:

48 Նույն տեղում:

49 Նույն տեղում:

ОСВЕЩЕНИЕ ТЕОРИИ ТРУДОВОЙ
СТОИМОСТИ В ТРУДАХ РЕТЕОСА ПЕРПЕРЯНА

НЕРСЕС ТОВМАСЯН

Резюме

Видный западноармянский публицист-экономист Ретеос Перперян опубликовал в Константинополе две политэкономические работы— «Краткую политическую экономию» (1883) и «Деньги» (1886). Центральное место в работах занимает проблема богатства, которую автор освещает, исходя из принципов теории трудовой стоимости. Рассматривая процесс производства материальных ценностей, Перперян подчеркивает первенствующее значение основного элемента производства—человека, продукт труда которого является источником доходов всех слоев буржуазного общества.

Обсуждая вопросы распределения богатства, Перперян отмечает существующую несправедливость, следствием которой является поляризация богатства и бедности, и признает необходимость борьбы рабочих против предпринимателей. Однако эта борьба имеет чисто экономический характер, иначе говоря, автор выступает в роли представителя правого крыла рабочего движения.